

Ba trei shitom ki nongri dohkha ba jop ka Mission ri dohkha: CS

Shillong, Naiwieng 06

"Watla hapoh ka jylla la sdang ia ka Aquaculture Mission tang hapoh ka shi snem shiteng hynrei ka la long kaba jop bad ki daw kiba la pynlong ia ka jingjop ka long ka jingtrei shitom, ka jinglong hok ha ka rukom pyntreikam ia ka skhim, ka jingshim khia jong ki nongrep, ba ka tnat ka la lah ban pyntikna ba kiba iashim bynta ka la leh bha ha ka por ba ai jinghikai bad kaba donkam eh ...Rile Sla 7



Ki paidbah kiba dang ialum ban thied dohkha ha ka Aquafest ba State Central Library, Shillong (UNH)

Ba trei shitom ki nongri dohkha

ka long ka jingiarap pisa ki bank kaba la pynlong ia ka jingjop kane ka Mission," ong u Chief Secretary ka jylla, u Bah WMS Pariat, haba kren ha ka prokram 1st Aquafest-2013 kaba la pynlong ha State Central Library ba la pynlong da ka tnat ki kam ri Dohkha.

Kane ka tamasa kan long ar sngi, kata ka 06-07 une u bnai. "Kaci kaba donkam mynta ka long ban iarap ia ka jingtrei ki nongrep ne nongri dohkha ba kin pynmih kham bun ki dohkha na ka bynta ka ioh ka kot ka jylla," u la ong.

Katba u Additional Chief Secretary, u Bah Barkos Warjri, u la ong ba ka wah ka long ka tyllong kaba bha tam bad mynta la don kiba kwah ban pyneh lyngba jong ki nongri dohkha. "Ngim dei ban pynlong ia ka jylla kaba kwah tang ban shu thied, hynrei ka ban pynmih ruh kumjuh. Kumba long mynta ka jingma kaba mih ka long na ka jingpynjaboh ia ki wah, ka jingai bih ia ki dohkha, pynbthei bom, ka tih maw tih shyiap, dewiong bad kiwei kiwei. Kumta donkam ban iada ia ki dohkha khlaw ruh," u la ong.

"Ka shnong Nongbareh, hapoh Jaiñtia hills ka long ka shnong kaba sumar ia ki wah bad ki kha khlaw," u la da kaba kyntu ba dei ban shim ia kane ka nuksa na kane ka shnong.

Katba u R M Mishra, Principal Secretary ka Planning, u la ong ba ka jingjop ka ioh ka kot bad ka jingkieu ka roi ka par ka dei ka jingkieu ka khaü pateng.

Na ka liang u K N Kumar Commissioner ka tnat Fisheries, u la ong ba ia ka kam la sdang da kaba rit, kata na ka jingdonkam iarap sha ka ieng hi ha la ki kjat.

Ka tnat ka la ai khusnam ruh sha ki 6 ngut ki nongri dohkha kiba la lah ban trei bha kiba kyntup: u Bah Kwuid Rynjah ka East Khasi Hills District na Mawkynrew C&RD Block, Bah Buhryntih Marweñ jong ka West Khasi Hills hapoh ka Mawthadraishan C&RD Block, ka Mawthawpdah Area Rilang Fishery Association (MARFA) ka South West Khasi Hills, Mawkyrwat, Bah Weris Tariang ka Ri-Bhoi District hapoh Umling C&RD Block, Bah Lamsing Tynsong ka East Jaiñtia Hills Khliehriat, bad ka Jaiñtia Fishing Association ka West Jaiñtia Hills, la ai da ki snap kynmaw (mementos), ki syrnod bad ka pisa.

La pynlait paidbah ruh ia ka makasin jong ka tnat da u kongsan bad ka jingsam khusnam sha ki nongjop bapher bapher. Ki la don ruh bun ki dukan ha katei ka sngi kaba la sdang 06-07 tarik. Ka phyllaw State Central Library ka la lynghuh thui da ki paidbah kiba iathied ia ki dohkha bapher bapher.